

**HOME
START**

Cymru

Adroddiad Effaith

2023 - 24

Elusen Gofrestredig: 1105577 Rhif Cwmni: 51991188

Cynnwys

1. Cyflwyniad
2. Gweledigaeth
3. Cenhadaeth
4. Pwrpas
5. Effaith
6. Astudiaethau Achos
7. Tystebau
8. Gwirfoddolwyr
9. Cyfathrebu a Pholisi
10. Cydraddoldeb,
Amrywiaeth,
Cynhwysiant a Thegwch
11. Casgliad
12. Diolchiadau

1. Cyflwyniad

Wrth i ni gyflwyno ein Hadroddiad Effaith Blynyddol, rwy'n hynod ddiolchgar am yr ymroddiad a'r tosturi sydd wedi diffinio taith Home-Start Cymru dros y flwyddyn ddiwethaf. Mae ein cenhadaeth, "Trawsnewid bywydau yng Nghymru, un teulu ar y tro," yn adlewyrchu'r effaith ddwys a gawn yn ein cymunedau a'n hymrwymiad diwyro i gefnogi rhieni a phlant sy'n wynebu heriau.

Cawn ein harwain gan weledigaeth lle mae gan bob rhiant yng Nghymru yr hyder, y sgiliau, a'r gefnogaeth i roi'r dechrau gorau mewn bywyd i'w plant.

Ni fu ein cenhadaeth i sefyll ochr yn ochr â phlant a'u teuluoedd, gan gynnig cymorth, arweiniad a gobaith, erioed yn bwysicach yn yr hinsawdd gymdeithasol sydd ohoni.

Mae'r heriau y mae teuluoedd Cymru yn eu hwynebu, gan gynnwys tlodi, problemau iechyd meddwl, ac unigrwydd, yn enbyd, gyda 31% o blant Cymru yn byw mewn tlodi.

Er gwaethaf yr anawsterau hyn, mae ein staff ymroddedig, gwirfoddolwyr, Ymddiriedolwyr, a phartneriaid wedi cyrraedd dros 1,250 o deuluoedd a 2,000 o blant, gan dystio i bŵer trawsnewidiol y gefnogaeth gywir.

Rydym wedi cryfhau teuluoedd, wedi gwella canlyniadau plant, ac wedi meithrin rhwydweithiau cymunedol.

Fodd bynnag, gyda chynnydd o 25% mewn atgyfeiriadau a'r dirwedd esblygol yng Nghymru, mae'r angen am ein cymorth yn fwy nag erioed.

Mae'r adroddiad hwn yn ailgadarnhau ein hymrwymiad i ddyfnhau ein heffaith a gwneud gwahaniaeth parhaol ym mywydau teuluoedd a phlant yn ein cymunedau.

Hoffwn ddiolch o galon i bawb sydd wedi cefnogi ein hachos dros y flwyddyn ddiwethaf. Mae eich cyfraniadau yn helpu i adeiladu gwytnwch teuluoedd yng Nghymru, gan ganiatáu i ni barhau i drawsnewid bywydau, un teulu ar y tro.



A handwritten signature in black ink that reads "Jayne Drummond". The signature is written in a cursive, flowing style.

Jayne Drummond


Prif Weithredwr
Home-Start Cymru

2. Gweledigaeth

Yn Home-Start Cymru, mae ein gweledigaeth wedi'i gwreiddio ym mhob cymuned Gymraeg: dyfodol lle mae gan bob rhiant yr hyder, y sgiliau, a'r gefnogaeth sydd eu hangen arnynt i **feithrin potensial eu plant** o'r cychwyn cyntaf. Rydym wedi ymrwymo i ddarparu cymorth emosiynol, **meithrin gwydnwch**, meithrin perthnasoedd iach, a grymuso rhieni i greu **sylfaen gref, hapus** ar gyfer dyfodol eu plant.

Mae ein staff a'n gwirfoddolwyr ymroddedig yn cynnig cymorth hyblyg, tosturiol, anfeirniadol a chyfrinachol, wedi'i deilwra i ddiwallu anghenion unigryw pob teulu a wasanaethwn.

Rydym yn grymuso rhieni trwy amrywiaeth o ddulliau:



- **Ymweliadau Cartref:** Ein gwasanaeth craidd, lle darperir cefnogaeth yng nghartref y teulu, gan osod sylfaen ar gyfer twf.
- **Cymorth Cymunedol:** Helpu teuluoedd i gysylltu â'u cymunedau lleol fel eu bod yn cryfhau eu perthynas â hwy.
- **Cefnogaeth Cyfoedion:** Hwyluso cysylltiadau rhwng teuluoedd sy'n rhannu profiadau tebyg.
- **Cefnogaeth Grŵp:** Creu grwpiau cymorth lle gall teuluoedd dyfu gyda'i gilydd.
- **Rhaglenni Cymorth wedi'u Targedu:** Mentrau arbenigol wedi'u cynllunio i fynd i'r afael ag anghenion penodol teulu.

3. Cenhadaeth

Mae ein cenhadaeth yn cael ei harwain gan amcanion allweddol sy'n siapio popeth a wnawn:

- **Cefnogi Rhieni:** Rydym yn darparu cymorth personol, yn y cartref i helpu rhieni i ymdopi â heriau bod yn rhiant, gan wella eu sgiliau a'u gwybodaeth ar gyfer lles eu plant a'u teuluoedd.
- **Cryfhau Teuluoedd:** Mae ein cefnogaeth yn hybu hyder, gwytnwch, ac yn helpu rheoli straen, gan greu amgylcheddau lle gall perthnasoedd cryf ac iach rhwng rhiant a phlentyn ffynnu.
- **Gwella Canlyniadau Plant:** Rydym yn siarad ar ran bob plentyn, gan sicrhau eu bod yn tyfu i fyny mewn amgylcheddau diogel, ysgogol a meithringar.
- **Adeiladu Rhwydweithiau Cymunedol:** Trwy gysylltu teuluoedd ag adnoddau lleol, rydym yn cryfhau cymunedau ac yn meithrin ymdeimlad o berthyn, gan sicrhau nad oes neb yn wynebu heriau ar ei ben ei hun.

Drwy bob cam gweithredu, rhaglen, a chysylltiad, mae Home-Start Cymru wedi ymrwymo i drawsnewid bywydau drwy rymuso teuluoedd a chymunedau ledled Cymru.



4. Pwrpas

Mae'r argyfwng Costau Byw parhaus a'r heriau iechyd meddwl cynyddol ledled Cymru yn tanlinellu effaith ddinistriol tloti. Mae bron i un o bob tri phlentyn yng Nghymru yn byw mewn tloti, ac mae materion iechyd meddwl yn codi'n sydyn ymhlith plant ac oedolion. Mae llawer o deuluoedd yn mynd i'r afael ag amrywiaeth o anawsterau, gan arwain at ansicrwydd a chaledi. Mae baich y gofid, hyd yn oed ar yr ieuengaf, yn dorcalonnus. Nid ystadegau yn unig yw'r rhain; maent yn cynrychioli **profiadau byw teuluoedd ledled Cymru***. Bydd ein hymateb heddiw yn siapio'r dyfodol.

70%

o gynnydd mewn cyfraddau marwolaethau plant ymhlith y rhai mwyaf difreintiedig.

*RCPCH, State of Child Health

25%

o gynnydd mewn atgyfeiriadau i'n gwasanaethau dros y flwyddyn ddiwethaf.

92%

o deuluoedd yn ceisio cymorth gyda rheoli cyllideb y cartref.

45%

o blant 7-11 oed yn dweud eu bod yn poeni am gael digon i'w fwyta

*Children's Commissioner for Wales

12.5%

o blant a gafwyd diagnosis o gyflwr iechyd meddwl

*Children In Wales

10%

o gynnydd yn galw am gymorth iechyd meddwl

50%

o'r holl broblemau iechyd meddwl yn dechrau erbyn 14 oed.

*Children In Wales

26%

o blant mewn cartrefi sy'n gweithio yn byw mewn tloti

*Children's Commissioner for Wales

30%

o blant Cymru yn byw mewn tloti

*Children's Commissioner for Wales

***Mae'r holl ystadegau yn ymwneud â Chymru yn unig**

5. Effaith

Mae ein data yn amlygu'r effaith ddwys yr ydym wedi'i chael gyda'n gilydd wrth drawsnewid bywydau teuluoedd a phlant ledled Cymru. Diolch i ymroddiad diwyro ein gwirfoddolwyr, ymdrechion diflino ein staff, a haelioni ein cefnogwyr, rydym wedi rhoi gobaith a newid cadarnhaol i fywydau dirifedi. Mae ein gwaith nid yn unig wedi bod o fudd i deuluoedd unigol ond hefyd wedi cryfhau cymunedau cyfan.


1,250 o deuluoedd a 2,000 o blant wedi'u cefnogi

Dangosodd 88% o blant welliannau mewn dysgu a datblygiad




↑ 9%

Dyweddodd **76%**
o deuluoedd eu
bod yn rheoli
cyllidebau
aelwydydd yn
well




↑ **4%**

Profodd **79%** o
fuddiolwyr lai o
straen a
magwyd mwy o
wydnwch




→ **0%**

Dyweddodd **82%** o
rieni a gefnogir fod
eu llesiant wedi
gwella



↑ **5%**

Adroddodd 69%
am welliannau yn
iechyd meddwl
plant, er bod
gostyngiad ers y
flwyddyn
flaenorol yn
amlygu'r
cymhlethdodau
cynyddol y mae
plant yn eu
hwynebu



Ein Gwariant y llynedd:

Costau Gweinyddol a Llywodraethu: 8.8%

8.8%



**Cyfanswm
Gwariant
£1,566,590**

Gweithgareddau Elusennol: 91.2%

91.2%

6. Astudiaethau Achos

O Fam a gafodd Cymorth gan wirfoddolwr Home-Start Cymru



Yr Heriau

Roedd Charlotte yn fam sengl ac yn wynebu amrywiaeth llethol o heriau ar ôl genedigaeth ei phlant. Heb bartner i rannu'r cyfrifoldebau, roedd hi'n cael trafferth gyda'r gofynion di-baid o fod yn rhiant. Roedd pob dydd yn teimlo fel brwydr yn erbyn unigedd, yr ansicrwydd ynghylch ei gallu i ddarparu ar gyfer ei phlant, a'r ofn o beidio â bod yn ddigon da. Y nosweithiau oedd anoddaf, treuliodd oriau di-gwsg yn pryderu ac yn amau ei gallu i wynebu'r cyfan ar ei phen ei hun.

Cymorth Allweddol gan Home-Start Cymru

Yng nghanol ei brwydr, daeth Charlotte o hyd i lygedyn o obaith wrth gysylltu â Home-Start Cymru. Roedd hyn yn nodi trobwynt yn ei thaith. Dechreuodd gwirfoddolwr Home-Start ymweld â hi'n rheolaidd, gan gynnig cefnogaeth yn ystod ei chyfnodau tywyllaf. Cynigiodd y gwirfoddolwr nid yn unig gymorth ymarferol ond hefyd y gefnogaeth emosiynol yr oedd dirfawr ei hangen ar Charlotte. Gyda phob ymweliad, roedd Charlotte yn teimlo'n llai unig, yn teimlo fod rhywun yn ei deall, ac yn magu hyder yn ei gallu. Fe wnaeth y tosturi a'r anogaeth gyson gan ei gwirfoddolwr ei helpu i ailddarganfod ei chryfder a'i hyder fel mam, gan ei grymuso i wynebu'r heriau anoddaf gyda gwydnwch newydd.

Y Daith i Ddod yn Llysgennad

Wedi'i hysbrydoli gan yr effaith ddofn a gafodd Home-Start Cymru ar ei bywyd, teimlai Charlotte fod rhaid iddi roi yn ôl. Heddiw, mae'n falch o wasanaethu fel llysgennad i Home-Start Cymru, wedi'i hysgogi gan awydd dwfn i rannu ei stori a chefnogi rhieni eraill sy'n ei chael hi'n anodd fel y gwnaeth hi unwaith. Mae hi wedi siarad am realiti llym tloidi a wynebwr gan deuluoedd yng Nghymru, gan gyfrannu at adroddiad ITV i godi ymwybyddiaeth a siarad am y gefnogaeth hanfodol. Yn gynharach eleni, cerddodd ochr yn ochr â thîm Home-Start Cymru ar daith gerdded lles, gan ymgorffori'r gobaith a'r cryfder a oedd unwaith yn ymddangos mor bell. Mae taith Charlotte o fod yn fam sengl oedd yn chael hi'n anodd, i fod yn llysgennad hyderus yn dyst pwerus i bŵer trawsnewidiol cefnogaeth a'r gwytnwch o fewn pob un ohonom, yn aros i gael ein deffro.

Llwybr Tad i Wydnwch ac Adnewyddiad



Degawd o Anhapusrwydd

Cafodd teulu o Ben-y-bont ar Ogwr eu hunain ar adeg dyngedfennol, yn brwydro â heriau a oedd yn bygwth eu lles emosiynol a'u sefydlogrwydd. Ers dros ddegawd, roedd y tad wedi bod yn brwydro gyda materion iechyd meddwl hirdymor, ac roedd hynny'n cael effaith mawr nid yn unig arno ef ond hefyd ei wraig a'u plant. Roedd ei frwydrau yn taflu cysgod dros eu cartref, gan adael y fam wedi'i blino'n emosiynol ac yn bryderus iawn am les eu plant.

Y Trobwynt

Wedi iddynt gydnabod yr angen am gefnogaeth allanol, cyfeiriwyd y teulu at y Prosiect Dad Matters o dan Home-Start Cymru. Penodwyd Cydlynnydd yn gyflym i asesu eu sefyllfa. Trwy alwad fideo, cafodd y Cydlynnydd a'r teulu drafodaeth am eu cryfderau, yr heriau a'u dyheadau, gan ddatblygu cynllun personol i'w cysylltu ag adnoddau cymunedol a allai ddarparu'r gefnogaeth angenrheidiol.

Dyfodol Disglair

Trefnodd y Cydlynnydd i gyfarfod y tad yn wythnosol am chwe mis a chysylltu'n rheolaidd trwy negeseuon. Yn raddol, dechreuodd y tad bwrw ei fol. Wrth fyfyrion ar y cyfarfodydd cynnar hynny, rhannodd, "Roedd y cyfarfodydd cyntaf gyda'r Cydlynnydd yn ddefnyddiol iawn. Fe wnaethon ni siarad am sut roedd fy iechyd meddwl yn effeithio ar ein plant a sut roeddwn i'n ei chael hi'n anodd cysylltu â'n babi newydd. Am y tro cyntaf, roeddwn i'n teimlo bod rhywun yn deall yn iawn. Nid rhoi cyngor yn unig oedd y Cydlynnydd; roedden nhw'n fy nghefnogi'n emosiynol." Dros amser, roedd y trawsnewidiad yn amlwg. Wrth i iechyd meddwl y tad wella, adenillodd ei hyder fel tad a phartner. "*Rwy'n teimlo'n well gartref nawr,*" meddai. "*Rwy'n agosach at ein plant, ac rwy'n treulio mwy o amser gyda'n babi. Rwy'n gryfach wrth ddelio â phroblemau, ac am y tro cyntaf ers blynyddoedd, rwy'n teimlo'n barod i ddechrau gweithio'n llawn amser eto.*" Mae ei ymdeimlad newydd o bwrpas yn destament pwerus i effaith cymorth amserol a thosturiol.

7. Tystebau

Mae lleisiau'r teuluoedd rydym yn eu gwasanaethu yn adlewyrchu'r gobaith a'r trawsnewid a ddaw yn sgil Home-Start Cymru ledled Cymru. Mae pob tysteb isod yn amlygu effaith ddofn y gefnogaeth a ddarperir gan ein gwirfoddolwyr a'n staff ymroddedig. Mae teuluoedd yn aml yn dweud wrthym mai'r pethau syml sy'n gwneud y gwahaniaeth mwyaf yn eu bywydau bob dydd fel rhieni. Dyma rai myfyrdodau gan y rhai y mae Home-Start Cymru wedi cyffwrdd â'u bywydau:

"Gallu siarad â rhywun sydd â phrofiad am yr ysgol a phlant ag anghenion ychwanegol, a jyst cael rhywun i ymlacio ag ef a chael clonc."

"Rwy'n magu mwy o hyder i fod yn fam ac yn mynd allan mwy gyda fy mhlant."

"Rwyf wedi dysgu y gallaf wneud unrhyw beth yr wyf yn rhoi fy meddwl at wneud."

"Rwyf wedi dod yn fwy hyderus yn fy hun ac yn teimlo'n gyfforddus yn siarad â rhywun pan fydd angen, yn lle cadw'r cyfan i fy hun."

"Mae'ch aelod o staff wedi bod fel fy angel gwarcheidiol. Pryd bynnag roeddwn i angen rhywun i droi ato, roedden nhw yno," meddai tad a gefnogwyd gan Home-Start Cymru yn y Coed Duon.



8. Gwirfoddolwyr

Wrth galon cenhadaeth Home-Start Cymru mae ein gwirfoddolwyr, pob un yn arwydd o obaith a chefnogaeth i deuluoedd ledled Cymru. Yr unigolion ymroddedig hyn, trwy eu tosturi a'u hymrwymiad, yw'r rheswm pam ein bod yn gallu darparu cefnogaeth anfeirniadol o'r ansawdd uchaf gan gymheiriaid sy'n uniaethu â'r teuluoedd y mae gennym y fraint o'u cyfarfod.

Mae ein hymagwedd sylfaenol at gefnogi yn golygu bod gwirfoddolwyr yn gweithio law yn llaw â theuluoedd yn eu cartrefi eu hunain, gan gynnig cymorth un-i-un sy'n bersonol ac yn bwerus. Mae bod yn hyblyg yn allweddol i ddiwallu anghenion amrywiol teuluoedd ledled Cymru. O'r herwydd, rydym yn datblygu ein gwasanaethau'n barhaus, gan archwilio a chroesawu ffyrdd arloesol o ymestyn ein cefnogaeth.

Rydym yn ehangu ein cynigion i gynnwys mwy o ddewisiadau ar gyfer y rhai sy'n dymuno rhoi cymorth y tu allan i'w cartrefi. Mae'r dyfodol yn ddisglair gyda'r posibilrwydd o gyfleoedd micro-wirfoddoli er enghraifft, fydd yn sicrhau ein bod yn parhau i fod yn hyblyg, yn flaengar ac yn cyd-fynd â'r amseroedd cyfnewidiol.

“Rwy’n mwynhau ceisio helpu teuluoedd gan roi cymorth mewn unrhyw ffordd y gallaf. Roeddwn yn teimlo bod Home Start Cymru yn addas ar gyfer y math o waith gwirfoddol yr hoffwn ei wneud ac mae'n cyd-fynd yn dda â fy mywyd. Rwy’n mwynhau’r teimlad rwy’n ei gael pan fyddaf yn helpu teuluoedd mewn ffordd gadarnhaol. Rwyf hefyd yn mwynhau'r hyfforddiant y mae Home Start Cymru yn ei roi, ac rwy'n teimlo'n rhan o'r tîm - grŵp neis iawn o bobl.”

Gwirfoddolwr Home-Start Cymru

340

Cefnogwyd 340 o deuluoedd gan ein gwirfoddolwyr

77%

Roedd 77% o'r teuluoedd hyn yn caru cymorth dan arweiniad gwirfoddolwyr

100

Recriwtiwyd 100 o wirfoddolwyr newydd yn ystod y flwyddyn ddiwethaf

9. Cyfathrebu a Pholisi

Dros y flwyddyn ddiwethaf, mae Home-Start Cymru wedi ehangu ei gyrhaeddiad yn fwy nag erioed o'r blaen, a hynny wrth i ni ganolbwyntio ein hymdrechion ar gyfathrebu a pholisi.

Cysylltiadau Cyfryngau

Trwy gydweithio ag ITV Wales News, South Wales Guardian, a The Herald, rydym wedi amlygu'r angen dybryd am wirfoddolwyr tosturiol ac wedi rhannu straeon calonogol am eu caredigrwydd. Rydym hefyd wedi tynnu sylw at yr yr heriau systemig y mae llawer o deuluoedd yn eu hwynebu oherwydd tlodi.

Ystadegau:

4200 o ymwelwyr gwefan newydd

270 o ddilynwyr cyfryngau cymdeithasol newydd

8200 o ymwelwyr

Facebook

Cyrraedd 170,000 o

unigolion

Gwell safle graddio Google

Polisi

Rydym wedi ymgysylltu â swyddogion **Llywodraeth Cymru a'r Senedd** drwy gydol y flwyddyn i sicrhau bod lleisiau'r teuluoedd rydym yn eu cefnogi yn cael eu clywed ac i gydweithio ar feithrin newid cenedlaethol cadarnhaol. Mae ein hymdrechion yn cynnwys:

- Cynnal cyfarfodydd lluosog gyda chynrychiolwyr allweddol o Lywodraeth Cymru a'r Senedd.
- Treialu offeryn hunanasesu ar gyfer gweithredu fframwaith NEST/NYTH.
- Cydweithio ag ACE Hub Cymru i gyd-gynhyrchu adroddiad sbotolau cymunedau wedi'i lywio gan drawma Home-Start Cymru, sy'n cynnwys mewnwelediadau gan randdeiliaid allweddol.

Partneriaethau Sector:

Mae cydweithio â sefydliadau trydydd sector wedi cryfhau ein negeseuon polisi ac eiriolaeth. Eleni, rydym wedi:

- Cymryd rhan yn rheolaidd mewn fforymau trydydd sector i rannu mewnwelediadau ar lawr gwlad a chyflwyno ymatebion ar y cyd i ymgynghoriadau pwyllgorau Llywodraeth Cymru a'r Senedd.
 - Partneru â Chynghrair Iechyd Meddwl Mamau i ddatblygu ac ehangu ymgyrchoedd ar ymwybyddiaeth a chymorth iechyd meddwl amenedigol i fenywod a theuluoedd yng Nghymru.
- Cydweithio â Sefydliad Bevan i eiriol dros system fudd-daliadau Gymreig, gan ymgorffori lleisiau teuluoedd mewn adroddiadau sy'n seiliedig ar dystiolaeth.

10. Cydraddoldeb, Amrywiaeth, Cynhwysiant a Thegwch

Rydym yn ymroddedig i ddarparu gwasanaethau sy'n diwallu anghenion amrywiol y teuluoedd yn ein cymunedau ac rydym wedi bod yn gweithio'n frwd i greu elusen wirioneddol gynhwysol.

Mae ein Gweithgor CACT (Cydraddoldeb, Amrywiaeth, Cynhwysiant a Thegwch) yn chwarae rhan hanfodol wrth gynghori ein harweinwyr ar sut i wella a dathlu'r gwerthoedd hyn. Gyda mewnbwn gan ein cydweithwyr, rydym wedi cymryd sawl cam pwysig ar y daith hon.

- Rydym wedi cyflymu datblygiad Strategaeth EDIF pedair blynedd, a luniwyd ar y cyd gan staff ac ymddiriedolwyr, sy'n ymgorffori safbwyntiau a mewnwlediadau'r teuluoedd rydym yn eu cefnogi.
- Cynhaliom arolwg demograffeg o'n staff presennol a chyflwyno ffurflenni Monitro EDIF ar gyfer pob gweithiwr a gwirfoddolwr newydd. Mae hyn yn ein galluogi i osod meincnodau ac adeiladu tîm mwy amrywiol, cynhwysol a theg, sy'n cyd-fynd â safonau'r sector a demograffeg y cymunedau rydym yn eu gwasanaethu.
- Rhoddwyd Polisi Ecwiti ac Amrywiaeth newydd ar waith.

Mae mynd i'r afael ag anghydraddoldeb yn ymrwymiad hirdymor, ond rydym yn ymroddedig i wneud cynnydd dyddiol tuag at amgylchedd gwell i'r teuluoedd rydym yn eu cefnogi. Edrychwn ymlaen at rannu ein datblygiadau parhaus.



11. Casgliad

Wrth fyfyrto ar yr effaith sylweddol y mae Home-Start Cymru wedi'i chael ledled Cymru, rwy'n llawn balchder a disgwyliad. Mae ein gwytnwch a'n hymdrechion parhaus wedi adeiladu system gymorth sy'n cyffwrdd â theluoedd di-rif ledled y wlad.

Wrth edrych ymlaen, mae ein strategaeth yn glir. Rydym wedi ymrwymo i ehangu ein cyrhaeddiad a dyfnhau ein dylanwad, gan sianelu ein heiriolaeth i lunio polisiau sy'n gwella lles cymdeithasol a gwella bywydau'r teuluoedd rydym yn eu gwasanaethu.

Rydym wedi ymrwymo i sicrhau bod lleisiau'r teuluoedd rydym yn eu cefnogi yn cael eu clywed yn y broses o lunio polisiau, gan ysgogi newidiadau deddfwriaethol sy'n adlewyrchu eu hanghenion a'u dyheadau.

Wrth i ni ddathlu ein pen-blwydd yn bump oed, rydym yn ailddatgan ein hymrwymiad i bob teulu sy'n ymddiried yn Home-Start Cymru fel eu cynghreiriad. Mae ein haddewid yn gadarn—i fod yn rym cyson sydd nid yn unig yn cefnogi teuluoedd ond hefyd yn eu helpu i ffynnu.

Mae ein gweledigaeth yn uchelgeisiol ac yn gyraeddadwy: creu dyfodol lle mae teuluoedd ledled Cymru yn gwneud mwy na dim ond rheoli—maent yn ffynnu, gyda chefnogaeth rhwydwaith sy'n gwerthfawrogi gwytnwch ac yn meithrin cysylltiadau ystyrlon.

Yn Home-Start Cymru, rydym yn fwy na system gymorth; rydym yn elusen sy'n ymroddedig i ofal trawsnewidiol, un teulu ar y tro.



Jonathan Richards

Jonathan Richards

**Cadeirydd
Home-Start Cymru**

12. Diolchiadau

Hoffem estyn ein diolch o waelod calon i'n comisiynwyr, ein rhoddwyr dyngarol, ein cefnogwyr a'n codwyr arian. Mae hysbryd hael nid yn unig wedi cyfoethogi Home-Start Cymru ond hefyd wedi gosod sylfaen ar gyfer ein twf a'n cynllunio ar gyfer y dyfodol.

Ymddiriedolaethau Elusennol a Noddwyr Corfforaethol:

Asda
Cronfa Gymunedol y Loteri Genedlaethol
Enterprise UK
Fferm Wynt Gwynt Y Môr
Garfield Weston
Grid Cenedlaethol
Home-Start UK
John Lewis
Marks a Spencer
Plant Mewn Angen
SEDA
Sefydliad Cymunedol Cymru
Sefydliad Elusennol Albert Gubay
Sefydliad Jenour
Sefydliad Moondance
Tesco
Ymddiriedolaeth Dulverton
Ymddiriedolaeth Elusennol Hartsheath
Ymddiriedolaeth Elusennol Henry Smith
Ymddiriedolaeth Elusennol Souter
Ymddiriedolaeth Grace
Ysgol Howell, Caerdydd

Byrddau Iechyd ac Awdurdodau Lleol:

Bwrdd Iechyd Prifysgol Caerdydd a'r
Fro
Bwrdd Iechyd Prifysgol Cwm Taf
Morgannwg
Bwrdd Partneriaeth Rhanbarthol Cwm
Taf
Cyngor Bwrdeistref Sirol Caerdydd
Cyngor Sir Abertawe
Cyngor Sir Caerfyrddin
Cyngor Sir Caerffili
Cyngor Sir Merthyr
Cyngor Sir Powys
Cyngor Sir Rhondda Cynon Taf
Cyngor Sir Ynys Môn
Cyngor Tref y Rhyl

**Yr unigolion a ddewisodd gymryd
rhan mewn digwyddiadau noddedig
neu gyfrannu, i'n helpu i gefnogi
teuluoedd ledled Cymru.**

